



საქართველოს ერვნული-თემოკრატიული პარტია

# ახალი ივერია La Nouvelle Ibérie

ა-523

სახლვარგარეთელი ახალგაზრდობის ორგანო.

Organe de la Jeunesse Nationale Démocrate Georgienne

N 5

*Handwritten signature or initials*

მკათათვე 1932 წელი  
პარიზი.



# 291

ქ-ბ

საქართველოს ეროვნული-დემოკრატიული პარტია

# ახალი ივერია

საზღვარგარეთელი ახალგაზრდობის ორგანო.

მკათათვე 1932 წ.

N 5

JUILLET 1932

## ქურნალი „სამშობლო“ და მისი „უფროსი ახალგაზრდობა“

ქურნალ „სამშობლომ“ და მისმა „უფროსმა ახალგაზრდობამ“ „ახალი ივერიის“ და მის გარშემო დარაზმული ეროვნულ-დემოკრატიული ახალგაზრდობის წინააღმდეგ იერიშები დაიწყო. ფაქტი ჩვენი და მათი დაშორებისა უკვე დიდი ხანია არსებობს.

მაგრამ ჩვენ ვფიქრობდით რომ ამ გათიშვას, რომელიც მეტად მნიშვნელოვანი პრინციპიალურ-ორგანიზაციულ საკითხებით იყო გამოწვეული, საერთო მონდომებით და ღონისძიებით ისე შემოველებოდა რომ პარტიის ორგანიზაციაში მთლიანობა კიდევ აღსდგებოდა და მცერსა და მოყვარეს ყველა ეროვნულ-დემოკრატიები ერთად დაეხვედებოდათ. ამ მოსაზრებით ჩვენ დავერიდეთ „სამშობლო“ და მის ჯგუფზე არამც თუ თავ დასხმას არამედ უბრალო საჯარო კამათსაც. მართლაც ქურნალ „ახალი ივერიაში“ არ დასტამბულა არც ერთი წერილი რომელიც ამგვარი შინაარსის ყოფილიყოს.



სხანს „სამშობლო“ და მისი „უფროსი ახალგაზრდობა“ ამავე სურვილებით არ ხელმძღვანელობენ. მათი გულის თქმა სულ საწინააღმდეგო მიზანს ამჟღავნებს. ეტყობა მათ უკვე გარკვეული ხაზი აუღიათ, ხაზი პარტიაში საბოლოო განხეთქილების ჩამოგდებისა. დაუსახავთ რა ეს მიზანი დასწრების წესით პდილობენ საზოგადოების თვალში ჩვენ არარად გვაქციონ და ყველაფერი თითონ დაიჩემონ. რომ ეს სიმართლისა და პაციონების დაცვის ფარგალში მოეხდინათ არაფერს ვკადრებდით მაგრამ „სამშობლო“ შეგნებულად, სიმართლეს ღალატობს და მკითხველ საზოგადოებაში ჭორებსა და სიყალბეს ავრცელებს ამტომ ჩვენ იძულებული ვართ ამ მოკლე პასუხით საზოგადოებას საქმის ნამდვილი ვითარება გააცნოთ.

1-ლი: „ახალი ივერია“ თავიდანვე იყო და დარჩა საზღიარ-გარეთელ ეროვნულ-დემოკრატიული ახალგაზრდობის ორგანოდ. ამის საბუთად საკმარისია მოვიგონოთ რომ მის დაარსებაში და გამოსცემაში სხვებთან ერთად ბ-ნი ალ. ასათიანიც დახმარებას გვიწვედა და პირველ ორნომერში მისი წერილებიც დაიბეჭდა (ფსევდონიმით); ბ-ნი პატარიძე-გირომელიც დღეს სამშობლოს ფურსლებიდან ჩვენზე თავდასხმებს ხელმძღვანელობს ვალენტიინეიდან აღფრთოვანებულ წერილებს იწერებოდა ქუჩრხალის გამოსვლის გამო.

ამ დროიდან „ახალი ივერია“ როგორც ორგანი, ეროვნულ-დემოკრატიული ახალგაზრდობისა განაგრძობს მოქმედებას. არ გაჩენილა სხვა ორგანო, ვინაიდან არ არსებობს სხვა რაიმე კვალიფიციური დაჯგუფება ეროვნულ-დემოკ. ახალგაზრდობისა. ეს იმდენად უდაოა რომ მოწინააღმდეგე ბანაკი იძულებულია რაიმე სახელი დაირქვას და ახალი ტერმინი შემოიღოს „უფროსი ახალგაზრდობა“. ტერმინი რომელიც მოკლებულია ყოფილგვარ შინაარსს და სმარებაშიაც არასოდეს ყოფილა.

ქურნალი „სამშობლო“ რომელიც 1929 წლიდან გამოდის „ახალ ივერიას“ და ეროვნულ დემოკრ. ახალგაზრდობის ორგანიზაციას იმდენად ქუდათ პარტიულ მოვლენად, სთვლიდა რომ მთელი ამ წლების განმავლობაში მათ წინააღმდეგ სმა არ ამოუღია და არ შედაგებია „უფროსი“ ახალგაზრდობის სახელით. ხოლო მას შემდეგ რაც ერ.-დემ. პარტიის საზღვარგარეთის ორგანიზაციებმა და მათ შორის ახალგაზრდობის ორგანიზაცია მაც „სამშობლოს“ ჯგუფთან კავშირი გასწყვიტეს და განმარტოებულმა



„სამშობლომ“ გადაუხვია ჩვენი პარტიის საზღვარ გარეთელ ორგანიზაციების 1927 წლის კონფერენციის დადგენილებებს და: უორდანია და მისი კამარლის დაქირავებულ ორგანოდ გადაიქცა, „სამშობლოს“ ჯგუფისათვის საჭირო გახდა ინსინუაციებისა და სიყალბეთა შეთხზვა, რომ პარტიაში მთლიანობის დარღვევის შემდეგ ახალგაზრდათა ორგანიზაციაშიც შფოთი და რღვევა შეეტანა. სხვანაირად შეუძლებელია გაგება ბ-ნი ასათიანის მიერ ახალგაზრდობაში შემოღებული კლასიფიკაციისა.

აი ეს ხალხი „ახალ ივერიას“ და ეროვ.-დემოკ. პარტიულ ახალგაზრდობას პარტიის ლენინალურ ხაზიდან გადახვევას სწამებს მაშინ როდესაც ამის ჩამდენი თითონ არიან. ჩვენ არ შეგვიძლება და არც ვაპირებთ შევიცვალოთ (მიუხედავად ბ-ნა. ასათიანის ცდისა.) პარტიული პოზიცია, რომელიც 1927 წლის პარტიულმა კონფერენციამ შეიმუშავა და რომელიც თქვენ პირადი თუ ჯგუფური მარსხების შემდეგ ნ. უორდანიას ზლოტებზე გასცვალეთ.

თქვენ არა გაქვთ უფლება, როგორც უმნიშვნელო უმცირესობას [იხ. რეზოლუციები ქვემოთ] ან პარტიის სახელი მიათვისოთ ან მით უფროთ თქვენი ზლოტების პოლიტიკა საზოგადოებას პარტიულ პოლიტიკად გააცნოთ.

თვით „ყრილობის“ ფორმალური მხარის გამოსარკვევად მკითხველს ვთხოვთ ქვემოთ დასტამბული საზღვარ გარეთელი ორგანიზაციების რეზოლუციები გადაიკითხოს რომლებიც ნათელყოფს, რომ არავითარი ყრილობა 1927 წელს აქეთ არა ყოფილა და ამჟღავნებს „უფროს ახალგ. ყრილობის“ მომწყობთა მორალურ ფიზიონომიასაც. საზღვარ გარეთის ორგანიზაციებმა და თვით პარტიის ორგანიზაციამაც ამ „ყრილობის“ მოწყობის შესახებ მხოლოდ სამშობლოს მე-11-ტენომრიდან გაიგეს, ამიტომ ორგანიზაციების დელეგატების ამ „ყრილობას“ ვერ დაესწრებოდა და თუ მიუხედავად ამისა ხუთიოდე კაცმა ყავახანაში მორიგ შეხვედრის დროს „პარტიული ყრილობა“ დაირქვეს, ჩვენ აღარ გავვაკვირებს თუ ხვალ საქართველოს დამფუძნებელ კრებასაც დაირქმევენ.

ხოლო რაც შეეხება „თვით ყრილობაზე უფროს ახალგაზრდათა“ ფაქტების პერსონალურ განცხადებებს, სადაც უსინდისოდ ცილსა გვწამებენ ჩვენ შეგვიძლია მოვასხენოთ: რომ ზოგიერთთა წარსული და ამჟამად მათ პასუხის ღირსად არა ჩდის.



### წარსულის დასკვნა.

ამ 11 წლის ბრძოლამ საოკუპაციო ხელისუფლებასთან დიდი პრაქტიკული გამოცდილება და უამრავი გაკვეთილები მოგვცა, საჭიროა ყოველივე ეს გამოვიყენოთ, საჭიროა ამ გრანდიოზულ ბრძოლაში მიღებული გაკვეთილები სისწორით შევადგინოთ, წარსული შეცდომები არ გავიმეოროთ და შეძლების ფარგლებში ეს შეცდომები, რომელნიც ეროვნული დალატის ხასიათს ღებულობენ, არც სხვებს გავამეორებინოთ.

როგორი სურათი გვეწლება ამ 11 წლის ბრძოლის შემდეგ.

როგორი არის პოზიციები, როგორც ჩვენი ისე ჩვენი მტრისა. რა გამარჯვების შესაძლებლობები უპირდაპირდებით ჩვენ ერთი მეორეს?

განვიხილოთ ჯერ საბჭოების პოზიციები.

საბჭოთა ხელისუფლება მყარდება ჩვენში უცხო სახელმწიფოს სამხედრო ინტერვენციით ის ანადგურებს არამც თუ ჩვენს დამოუკიდებლობას, არამედ ყოველივე ეროვნულს: სარწმუნოებას, ოჯახს, და საუკუნოებით გამოიმუშავებულ ტრადიციებს, თავის დოკტრინით ის უცხოა თავის სუფალ ქართველი კაცის ბუნებისათვის; აქედან გამომდინარეობს შეუერივებელი დაპირისპირება ქართველ ერისა და საოკუპაციო ხელისუფლებას შორის.

საბჭოთა სახელმწიფოს საერთაშორისო მდგომარეობა არასოდეს იყო და არც ეხლა არის სახარბიელო, ის ქრონიკულ კარანტინშია მოთავსებული და ამ კარანტინიდან გამოსვლას ვერ ახერხებს. მას და მის აგენტებს, ყველა ერიდება როგორც კეთროვანებას. ის მუდამ თავდასხმის მთავარდინშია.

მისი შინაური მდგომარეობა კიდევ უფრო მძიმე იყო და არის დღესაც: გაუთავებელი ტერორი და აქედან გამომდინარე ჩეკის კულტი, დრო გამოწვევებით კატასტროფიული დიშანსიის შიმშილი; მატერიალური და სულიერი ბანკრუტი; დასასოულს, თვით პარტიის წიაღში ამტყდარი შინაური ბრძოლა, რომელმაც დიდი ხანია შინაური ხასიათი დაჰკარგა ამ მისი შინაური ძლიერება.

მაშასადამე: რუსეთის ტერიტორიაზედ მომხდარი სოციალური მოვლენის საქართველოში გადმოტანა; ამ ნიათაგზედ ის საშინელი თავგანწირული ბრძოლა, რომელიც 11 წელიწადი გრძელდება 2) რუსეთის მეტად



ვაგლახი საერთაშორისო მდგომარეობა და 3] მისი მეტად ღრმა შინაური კრიზისი. აი ის აკტივი, რომლითაც მტერი გამოდის.

ეხლა განვიხილოთ თუ როგორია ჩვენი მდგომარეობა.

ჩვენი ერი უთუოდ დაღლილი არის იმ აუარებელი სხვერპლის და სისხლის დინების შემდეგ, რომელიც მან გამოიარა ამ 11 წლის უთანასწორო ბრძოლის განმავლობაში. მისი შანსები გაცილებით უფრო ძლიერი იყო დაწყებისას და მაშინ რომ ხელმძღვანელობას განიერება გამოეჩინა, ბრძოლის მოგება შესაძლებელი იყო.

მაგრამ ამ ფიზიკური მოღლის სანაზღაუროდ მას მოემატა სულის სიმტკიცე, ეროვნული შეგნება და შეურიგებლობა მტერთან გადაიქცა მისი სულიერი ყოფის აუღებელ ბასტიანად. მან შეიმოსასიბრძნე სიფხინლისა ბრძოლის გამოსახადებისა და იარაღის შირჩევის საქმეში.

მაშასადამე 1) ფიზიკური შესვენება. 2) სულიერი სიმტკიცე და მტერთან შეურიგებლობის განმტკიცება აი ჩვენი შანსები.

როგორც ეხედავთ საერთო მდგომარეობა იმედისა და მიზნის მიღწევის უფლებასგვაძლევს, ოღონდ საჭიროა ამ პერსპექტივის ფონზე ჩვენს ხელთ მყოფ შესაძლებლობათა მეტის სიფრთხილით გამოყენება, პატარა შეცდომა გამოუხსორებელ უბედურებას დაგვატყვის თავზე, ამიტომ საჭიროა მოხდეს ქართული ანტი საბჭოთა ძალების გადასინჯვა, მათი წარსული მოღვაწეობის შეფასება და ამ მოღვაწეობის შეფასების მიხედვით მათან ერთად ბრძოლის გაგრძელების ან დადებითად ან უარყოფითად გადაწყვეტა.

ჩვენ ამ უამად გვანტერესებს სოც. დემოკრატია, ეროვნული საქმიანობის ნომინალური მონაწილე. რას წარმოადგენს ეს პარტია, როგორც ეროვნულ ბრძოლაში მონაწილე ელემენტი? რა გააკეთა მან? ჩვენი ერის უბედურმა ხვედრმა სწორედ ამ პარტიას არგუნა სამი წლის დამოუკიდებელი ცხოვრების გაძღლა, რატომ? განა ეროვნული ცხოვრების მოწყობის სურვილი ჰქონდათ მის ხელმძღვანელობას? ან და დოქტრინალურად სწამდათ ერი, სამშობლო და მისი გარდაუვალი ინტერესები?

არა! და უბედურებას სწორედ ამაში არის. ეს ის პარტია გახლავთ, რომელმაც ენა-ბლუებიც კი აამეტყველა ეროვნების, როგორც მსწების და როგორც მოვლენის წინააღმდეგ. ეს ის მიმდინარეობა არის,



რომელმაც თავისი საკუთარი სისხლის სამართლის კოდექსი შეიმუშავა და ამ კოდექსიდან განდევნა ისეთი მუხლები, როგორც მაგალითად: ქურდობის, ყაჩაღობის მტაცებლობის და მკვლელობის დასჯის, მაგრამ ამის მაგივრად აღმოაჩინა „უდიდესი დანაშაული“, რომლისათვისაც დასჯა პირველ მუხლში მოაქცია და რა იყო ეს „დანაშაული“, რომლისთვისაც ყოველ მოქალაქეს უზენაესი სასჯელი უნდა მიეღო?

სამშობლოს სიყვარული. სამშობლოს მსახურება.

რა მოხდა. რომ ეს ხალხი, როგორც კი მოსკოვში ბოლშევიკური ხელისუფლება გამოცხადდა, საქართველოს დამოუკიდებლობას დაებღაუტა? სასწაული მოხდა და მიხვდნენ თავიანთი კრიმინალური მოღვაწეობის საზიზღრობას? არა, არა...

ამის საკმაო საბუთი მათი ლიდერების განცხადებებია, და სხვას რომ თავი დავანებოთ, მათი რედაქციით შედგენილი დამოუკიდებლობის აქტი მატერიალური საბუთია ჩვენი აზრის დამამტკიცებელი: „რუსეთი წავიდა იძულებული ვართ დამოუკიდებლობა გამოვაცხადოთ.“

მივაქციოთ ორ გარემოებას ყურადღება; 1. რუსეთი, რომ არ წასულიყო და 2. მოსკოვში ლენინის მაგივრათ კომისართა საბჭოს თავჯდომარე მარტოვი ან აბრამოვიჩი ყოფილიყო მაშინ რას იზამდნენ?..

უნდა გვიხაროდეს რუსეთში ბოლშევიკების გამარჯვება, თორემ დამოუკიდებლობას ვერც სამი წლით ვიხილავდით ან რუსეთის წითელ არმიას (მენშევიკურს) მდივანი-მახარაძეს მაგივრათ ბატ. ნოე უორდანია შემოუძღვებოდა.

უფლება გვქონდა გვეფიქოა. რომ 3 წლის დამოუკიდებლობამ ქართველი მენშევიკები საბოლოოდ ეროვნულ ბანაკში მოაქცია, მერე კიდევ 11 წლის ბრძოლა; ეს ორი მოვლენა უთუოდ დიდი გარდაქმნელი ღირსები საა და შესაძლებელი იყო მათ ამ ხალხის გარდაქმნაც მოეხერხებია და მერე მოხდა კი ეს?

მთელი მათ მიერ ამ ხნის განმავლობაში წარმოებული პრაქტიკული პოლიტიკა სწორედ საწინააღმდეგოს გვეუბნება: როგორია ეს პრაქტიკული პოლიტიკა. „ეროვნული“ მთავრობის თავჯდომარე ლენინს დეპეშას უგზავნის „ერთად ვაკეთოთ სოციალიზმის საქმეო“, ამავე დროს საქართველოს კათალიკოსს უდიერი სიტყვებით კაბინეტიდან კარში ის-

ტუმრებს, 7 მაისის ხელშეკრულებით დარიალს ანეიტრალებს, ბოლშევიკებს კარებს უღებს, ინგლისის ჯარების გამოსადენათ დიდ კამპანიას აწარმოებს. ხელისუფლება სოციალურ სარცვა-გლეჯას აკანონებს.

შედგად აგეთი ბარაქიანი პოლიტიკისა ქორდანის მთავრობა ერს და მოუკიდებლობას უქარგავს. ეს უკანასკნელი ტრადედია, რომელიც ქართველმა ხალხმა მძიმედ განიცადა, უთუოდ მენშევიკურმა მასამაც განიცადა. იგი მიხვდა იმ საშინელ დანაშაულს, რომელიც მისმა უპასუხისმგებლო ხელმძღვანელებმა მას ჩაადენინეს და ეროვნულ ბრძოლაში ჩაება თავისი შეცდომისა და მისი ხელმძღვანელების სოდვათა გამოსასყიდათ. რით უპასუხებს ამას ევროპაში მთავრობის სახით გამოქცეული მენშევიკური პარტიის ხელმძღვანელობა. ის ეროვნულ ბრძოლის შესუსტებას ცდილობს, გზავნის ბრძანებებს საქართველოში, რომ მათმა ამხანაგებმა ბოლშევიკებთან ერთად ებრძოლონ ქაქუცა ჩოლოყაშვილის მოძრაობას, როგორც „თავად-აზნაურულს“, წინააღმდეგია საერთო ბრძოლის და როდესაც ამ ბრძოლაში დისონანსის შეტანას ვერ ახერხებს, რა დესაც ხედავს, რომ მისი მასსასოციალიზმს ერს არჩევს სხათის უდიდეს და უსაზიზღრეს დანაშაულს, ყალბი ინფორმაციათა ფანტასტიური დაპირებებით ხელს უწყობს და იწვევს 1924 წლის აჯანყებას.

უხვად დაქცეულ უმანკო სისხლს მაინც უნდა გარდაეკმნა ეს ხალხი ამის შემდეგ მაინც უნდა მომხდარიყო მათში დიდი ფსიქოლოგიური მეტამორფოზა, ამ დამარცხების შემდეგ მაინც უნდა ამაღლებულიყო ეს ხალხი ეროვნულ კატასტროფის გაგების სიმაღლემდე და ეროვნული ნეკტარის ზიარება მიეღოთ. მაგრამ პირდაპირ გასაოცარი და კრიმინალური ცინიზმის მოწმენი ვხდებით, შეუკავებელი სიხარული მომხდარი ამბის გამო; დანთხეული სისხლი ევროპის ბაზარზედ გააქვთ და იქ ჰყიდიან. ჰარც ერთი კანონმდებელს აგეთი დანაშაული არ აქვს წარმოდგენილი. არც ერთ ენაზედ არ არსებობს ასეთი მოვლენის სიტყვიერი გამოსახულება: ეროვნული ღალატი მეტად ღარიბი გამოთქმა არის ამ უჩვენავისობის კვალიფიკაციისთვის და უთუოდ ისტორია დიდის პატივისცემით მოახსენიებს ბ-ნ ირაკლი წერეთელს, რომ აგეთი ხალხისაგან პასიურად მაინც გაიმიჯნა; თავი რომ დაეანებოთ წერეთელ-ახსენიძეს ოპოზიციის რუსულ ორიენტაციას, ჩვენის გაგებით და რწმენით ანტი-ეროვნულს ირაკლი წერეთე





ლი და მისი ჯგუფი მარქსისტული დოქტრინის ტუსაღები იქნებიან ისტორიისათვის, მაგრამ არასოდეს სისხლის სამართლის დამნაშავენი.

ყოველივე ამის შემდეგ განა შესაძლებელია, რომ ეს პარტია მისი დღევანდელი სულის ჩამდგმელთა სახით წარმოვიდგინოთ, როგორც ეროვნული ბრძოლის სალი და საჭირო ელემენტი? ჩვენ ვფიქრობთ, რომ არა.

ამ ბრძოლასთან ის არ არის სულაფერ და იდეურ ნათესაობაში, ეს ხალხი არც თავისი წარსულით, არც თავისი მოძღვრებით არ აკმაყოფილებს ეროვნულბრძოლის ელემენტალურ პირობებს და მას არც ამისათვის სცალიან.

დაბეზღება, სხვისი გალანძღვა, გათრევა, ჭორების და ყალბი მოწმეების ფაბრიკაცია ეს მათ დროს საკმაოდ იკავებს და მათთვის ღირსეულ სამოდვაწეო არესაც წარმოადგენს, ქართველმა პოლიტიკურმა წრეებმა უნდა შეაფასონ მათი ამგვარი მოდვაწეობა, უნდა შეაფასოს იგი თვით მიწვევიკურმა ფართო მასამაც და მას საჭირო დასკვნაც გაუკეთოს.

ჩვენის აზრით, დროც არის ამდენის ცდების შემდეგ ამ წრეს მაგარი რკალი შემოვარტყათ, ეროვნული ბრძოლის წარმატებით წარმოებისათვის საჭიროა ეროვნული ბრძოლის ორგანიზაცია ამ წრის გარეშე; ამ ბრძოლაში ჩვენ ვუპირდაპირდებით ისეთ პოლიტიკურ ძალას, რომელიც თავის წარმოშობით ბოლშევიკებთან ახლო ნათესაობაშია, ქართული ანდა წა მოვიგონოთ „ძალი ძალის ტყავს არ დახევეს“.

საჭიროა ჩვენ შორის გარკვეული ხაზი გავავლოთ და ეს ხაზი არც ჩვენ გადავლახოთ და არც მათ გადავლახვინოთ. არ უნდა განმეორდეს ისეთი შემთხვევა რომ „ძვლი და ახალი მემკვიდრეობა“ დასწერო და შემდეგ „ფრანტის“ კარებს მიაშურო, თითქოს აქ არაფერი აღსხვას რომ თავი დავანებოთ, ასეთი ქცევა დამერწმუნებით დიდი მორალური ღირსების არ არის.

ბოლშევიკებთან ბრძოლა საჭიროებს ეროვნულად ალტკინებულ პოლიტიკურ დაჯგუფებათა მთლიანობას, მაგრამ საჭიროა ამ მთლიანობაში შემავალ როგორც ჯგუფთა ისე პიროვნებათა შერჩევა, ყოველი შემავალი ნაწილი უნდა იყოს დარწმუნებული იმაში რომ მას აქ მსხვერპლი მოაქვს და პირად თუ ჯგუფურ სარგებლობას არ ეძებს, ამ მთლიანობაში არ უნდა იქმნეს დაშვებული ამავ მთლიანობის დამშლელი ელე



მენტი.

უნდა გათავდეს მენშევიკური პარტიის გამოცდის ან მათი ეროვნულ გზაზედ გადმოყვანის ილუზიები. ქართველმა საზოგადოებრივმა აზრმა ღირსეულად უნდა შეაფასოს ის იაფ ფასიანი მენშევიკური დემონსტრაციები, როგორც მაგალითად: მორალურად განიარაღებულ ადამიანის განიარაღების კონფერენსიაზედ გაგზავნა, ჩვენ ისედაც დიდი ხანია განიარაღებული ვართ და დაპყრობილნიც ან და ისეთ ბუნების ნაცოდვილარ კოსტია გვარჯალაძის მეტად უნიკო (ვინ სთქვა სახე ინტელექტის ღირსებას არ გამოხატავს) კონცერტები მეორე ინტერნაციონალის ქანდარაზედ. სინამდვილეს პირდაპირ შევხედოთ, ერისათვის მებრძოლთა რიგები დაესწმინდოთ და ჯანსაღი ძალით მივიტანოთ იერიში იმ სიმაგრეზედ, რომელსაც ჩაქუჩით და ნამგალით იცავენ.

გ. გეგელია.

### ბოროტი პრეოკუპაცია!

სულა ბოროტო, ვინ მოგიხმა ჩვენად წინაძღვრად ჩვენი ცხოვრების და სიცოცხლის შენ აღმამფოთრად?

„ბრძოლის ხმის“ ნოემბრის ნომერში აშკარა მოწოდებაა ს. კედიას მკვლელობისადმი! წერილში „რა გამოირკვა“ შემდეგი აზრია გატარებული: საფრანგეთის სასამართლომ და ადმინისტრაციამ დასაჯა ნ. რამიშვილის მკვლელი, როგორც მტერი უორდანიას ჯგუფისა; გაამართლა გრ. ვეშაპელის მკვლელი, როგორც მეგობარი და პარტიული ამხანაგი უორდანიას წრისა; ხოლო ეხლა-კი სპ. კედია ყოფილა ისეთივე მტერი უორდანიას ჯგუფისა. როგორც იყო თურმე არ. ვეშაპელი, რომლის მკვლელობა საფრანგეთის სასამართლომ გაამართლოა. შემდეგ: „სამარცხენო ბოძე გაკვრა“ და ზნეობრივი ტერორი კი ეხლავე უნდა ვაწარმოოთ! ამ წეოილმა ბევრი რამ მართლაც „გამოარკვია“!

პირველი: როგორც არ უნდა იყოს ფრანგული სასამართლოს განჩენი, ზნეობრივი ტერორი მაინც არის მენშევიკებში; ამას ამტკიცებდა მენშევიკი ჭანუკვაძე და მას ადასტურებს უორდანიას გაზეთიც. ბოლო მის დასჯას ის შედეგი მოჰყვა, რომ უორდანიას ჯგუფი ეხლა აშკარად და.

საჯაროდ აწარმოებს იმ ტერორს, რომელსაც აქამომდე თარულად მის-  
დევდა.

მეორე: გაშიშვლებული, უტიფარი პროვოკაცია ამ წერილის შინა-  
არსისა ცხად ჰყოფს ბოროტ განზრახვას და აშკარად მოითხოვს ახალს  
მკვლელობას. აქედან ცხადია, რომ ის ძველი მკვლელობებიც გრ. ვე-  
შაპელისა და რამიშვილისა ღვიძლი შვილია, აშკარა და ლოლიკური შე-  
დეგი ნ. ჟორდანიას ჯგუფის სულისკვეთებისა და მართლაც; ვეშაპელის  
მკვლელიცა და რამიშვილის მკვლელიც ჟორდანიას ჯგუფის წევრები  
არიან, მის პარტიული ამხანაგები! „სამარტსვეინო ბოძე“ დიდი ხანია  
გაკრულია ჟორდანიას მიწვევისში! ის სამუდამოდ დარჩება ამ ბოძე  
მთელი ისტორიის სამაგალითოდ. ეს ისტორიის მსჯავრი გამოტანილია  
და ასრულებულიც!

ხოლო ის ბოძი, რომელსაც დაამშვენებენ საქ. ეროვ. დემ. პ-ს ხელ-  
შეღწეულნი წევრნი თუ ლიდერები, მუდამ იქნება ქართველი ერისათვის  
ხსნისა და იმედისა, გამარჯვებისა და უშრეტო სასოების სიმბოლოდ ისე,  
როგორც ქრისტეს ჯვარი გახდა სიმბოლოდ საკაცობრიო ხსნისა და გა-  
მარჯვებისა ყოველი ჩვენი პარტიული მეგობარი მზადაა ატაროს ეკლის  
გვირაგინი, მძიმე ჯვარი ტანჯვათა, წამებათა, დევნათა და დამპირება-  
თა, ოღონდ გზა ხსნისა გაუადვილოთ ჩვენს ერს, ჩვენს ხალხს ეგზომ  
დალატრიანებულს, გაუბედურებულს და დაღუპულს ნ. ჟორდანიას ბო-  
როტი ჯგუფისაგან!

არა მარტო ჭანუკვაძეა დამნაშავე ნ. რამიშვილის მკვლელობაში,  
ისე როგორც ჯაში მარტო არ იყო დამნაშავე ილიას ტრადედიაში, არა-  
მედ ნ. ჟორდანიას ჯგუფის ამორალობაა ორთავე მკვლელობისა და  
მათ შორის მდებარე ბოროტმოქმედებათა წნეობრივი პასუხის მგებე-  
ლი. ჭანუკვაძის სახით დასაჯეს მხოლოდ შეუგნებელი იარაღი, მაგრამ  
დაუსჯელი დარჩა მისი ამამომძრავებელი ბოროტი სული!

სახელოვანი კიტა აბაშიძე და ხხვანი არა ერთხელ ამხელდნენ ნ.  
ჟორდანიას: \*) ილიას წნეობრივი მკვლელი შენა ხარო, რაზედაც ცინი-

\*) უადგილობის გამო მოვიხსენიებ მხოლოდ რამოდენიმე ფაქ-  
ტებს; დანარჩენთ შემდეგ წერილში!

კურო პასუხი იყო „რევოლუციის, ხესა სჭრიან, ნათოტი ცვი ვაო! ბ-ნმა კიტამ უორდანიას იეზუიტური სული და საქციელი მრავალჯერ აღნიშნა „სახალხო საქმეში“ და მას ჩუმი კავშირი უყი ყინა რუსეთის ადმინისტრაციასთან,—ადმინისტრაცია გეხმარება ყველა არჩევნებში და კიდევ მეტი იარაღსაც კი განდობსო; თუ რევოლუციო წერი ხართ, ადმინისტრაცია იარაღს როგორ განდობთ!?

ნიკოლოზ ნიკოლოზის ძე რომანოვთა შორის ყველაზე მკასრი, პატივმოყვარე, ტაქტის მოტრფიალე იყო: აი, ამ ნიკ. ნიკ-ძემ მთელს კავ კასიაში ვერავენ ნახა ნ. უორდანიას მეტი, რომელსაც გაენდო შემდეგი მორიგებით: მე რუსეთს წავალ, შენ აქ ძალაუფლება მიიღეო! კონტეს რა ძივილის მემუარებს ვინც იპნობს, იტყვის რომეს ფანდი განმეორებაა პრუ სიელთა მოქმედებისა ვარშავაში რუსეთ-პრუსიის თმის დროს: ვარშავის დაცლისას ძალაუფლება პრუსიელებმა თავიანთ ერთ გულსა და მომ ხრე ელემენტს ჩააბარეს;

ნ. უორდანიას პოზიცია დახასიათდება განსაკუთრებით ორჯოფობით და დაუზოგველობით, ცნობილია მისი პრარუსული და ანტიქართული პოზიცია: ჩვენი დამოუკიდებლობის გამოცხადების წინ მენშევიკების საზოგადო კრება უნდა მომხდარიყო. ხოლო კრების წინ ნ. უორდანიამ ჩამოიარა ყველა დაბა-ქალაქი რკინის გზის ლიანდგის გასწვრივ და ქადაგობდა დამოუკიდებლობა რეაქციას ნიშნავს, ჩვენს, ს. დ. პ-ს დამხობასო, მას ყველგან ერთი პასუხი მისცეს: გამოვაძხადოთ დამოუკიდებლობაო! იცით ამის შემდეგ რას კითხულობდა? მისი პირველი კითხვა იყო. „ა. ჩხენკელი ხომ არ ყოფილა აქო?!“ პარტიის კრებაზე ერთხმად იყო მიღებული დამოუკიდებლობა. თავი შეიკავა ორმა! იეზუიტობა და ორჯოფობა ვერაგობაში გადადის! უორდანიამ ორიოდ თვეც ვერ მოითმინა და ვერ შეიგუა, რომ პირველ მთავრობაში არ მოხვდა. არ მოისვენა მინამ ნ. რამიშვილის მაგიერ თვითონ არ გახდა მთავრობის თავდომარე.

ჩემთვის ცნობილია ინტრიგები და კულისებში დრტვინვა უორდანიასი, რომელიც წინუძლოდა მის გამინისტრებას. ხოლო ბერლინში ნ. რამიშვილისაგან ბევრჯულ გავიგონე: „კი სჯობდა, რომ სხვა იყოს მთავრობის თავმჯდომარე, მარა რას იწამო!“ დაახლოვებით

ამგვარი ცნობა რამიშვილისაგან აქვს ბ-ნ შ. ამირეჯიბს, და ვთხოვ მას, საჯაროთ სთქვას სიმართლე და ჭეშმარიტება. ჟორდანიას ვერაგი იეზუიტობა ბრწყინათვისაც გასაგები იქნება.

ნ. უ-ის ერთ-ერთი იარაღი ბრძოლაში არის დაბეზღება, მალულ-ლი,—ან ახდელი, თუ ძალიან არ ეშინია რევოლუციის დროს! მაგ. ცნობილია მისი უტიფარი დაბეზღება კ. აბაშიძისა დროებით მთავრობასთან პეტროგრადში; კ. ა-ძე სოციალიზმის მტერიაო! ასეთი სიყალბე მოწმობს სრულს უსინიდისობას, უკულტურობასაც და ბოროტებასაც, რადგან ბ-ნი კიტა მუდამ იდეალური მომხრე იყო სოციალიზმის და ბევრის გააკეთა ჭიათურის მუშებრისათვის, ხოლო ის ცნობდა რა გორც პარტიზი სუბსიდებით და „პარტიული გადასახადებით“, და მუშებისთვის მას ფაქტიურად არას დროს არაფერი გაუკეთებია!

ბერლინის პროცესში ჟორდანიას ჯგუფი მათხოვრობდა: მოგვეცით რაიმე ქალადი, რომ ჩვენ არ ვურყევართ მაგ საქმეშიო და თანაც აბეზღებდა ჩვენი მიმართულების პირთ უტიფარ ფორმით და სრული სიცრუეთა და სიყალბით. სამისღ დოკუმენტი წარუგზავნეს კიდევ ბ-ნ სპ. კედიას და ის მის ხელთ არის დღესაც. როცა ჩერვონცებზე ლაპარაკობს ჟორდანიას გაზეთი, გაიხსენოს, რომ „ჩერვონცების ნაწიხეფი“ დოკუმენტში უფრო მეტწივიკებს სწვდა და ბ-ნმა შ. ქარუმიძემ ჯერ უკანასკნელი სიტყვა არა სთქვა!

თავის დროზე მე უკვე ვამცნე ქართულ ემიგრაციას, რომ ჟორდანიას ჯგუფი ბერლინის პროცესის დროს კაპუკაჭივით იმეორებდა ბოლშევიკების სიტყვებს, იდგა და იცავდა ბოლშევიკურ პლატფორმას და ეხმარებოდა რუსეთის ბოლშევიკებს ქართველთა წინააღმდეგ; ხოლო ნ. ჟორდანიას აშკარა ბოლშევიკურ-კომუნისტური წერილები „ბრძოლის ხმაში“, მისი იდეალი და ქადაგი „პერმანენტულ რევოლიუციის“ სასარგებლოთ,—მოწმობს ვისკენაა პოტენციაში ჟორდანია, უკვე ცნობილი თავისი ორჟოფობითა და ღეზუიტობით, რაც აღნიშნულია უცხოეთის პრესაში, ხოლო ქართულში კი თავიდანვე ცნობილი იყო.

საზოგადო წიხილი და სიძულელი თან სდევდა ბოროტ სულს, თვით რევოლიუციის დასაწყისშიაც: ეროვნულ საბჭოს კრება იყო თბი

ლისის სათავადაზნაურო საკრებულოში. ქორდანიამ არ დააკმაყოფილა დამსწრენი; უნდოდა ჩვენი დამთუკიდებლობის გამოსწადების გიჟიანუ რება. ხალხი ადრტენდა, დაჰკრა კიეინა: „მოდლატიე!“ და სხ. უფრო მაგარი სიტყვები ჰაერში გაშვებულ მუჭებით დამაფიქრებელ გარემოებას ქმნიდა და მანას „მოკურსხლა“, მაგრამ უკანა კარებთან, კლუბის ეზოში უფრო საგრძნობი ძალა დახვდა: ორიოდე ჩოხოსანი.

ხოლო აღელვებულ ხალხს დარბაზში, რომელიც მოითხოვდა: „მოგვეცი ქორდანია; ბოდიში მოიხადოს თუ არა ჩვენ ვიცითო“, აი ამ ხალხს ამშვიდებდა სკამზე შემდგარი შ. ამირეჯიბი, რომელსაც ქორდანიამ ვარშავაში „თავაზიანი მადლობა გადაუხადა“. ის ინციდენტი ასე დამთავრდა: ქორდანიამ უკან წაიღო თავისი უტაქტო სიტყვები! დამახასიათებელია: რომ მათ მუდამ „პროვოკაცია“ და „პროვოკატორი“ ახსოვთ, არას დროს არ დაავიწყდებთ! ბათუმში გემებს ტვირთავდენ, საემიგრაციოდ ემზადებოდენ. მე ვსწავრობდი ერთ ს. დემოკრატიან, გვარდიელთან, რომელიც მენდობოდა, მასაც ვენდობოდი. ერთხელ დილით შემოვარდა: „ქორდანიას მთელი მთავრობა გვინდა დავიჭიროთ. სად მიეთრევიან? გაგვეს, დაგვალატიანეს, დაგვლუპეს და ახლა ევროპაში მიდიან?“ სიტყვა ჩამოვართვი არ გარეუღიყო ამ ბინძურ საქმეში. მითხრა ეინც იყო მეთაური. სპირიდონს ვუამბე. საშინელი სიმკაცრით დაჰკმო. თავქუდმოგლეჯილი ვამხილეთ და ვკიცხეთ ის ხალხი. თუ ეხლა ეს ჯგუფი სამშვიდობოსაა—ეს მეტ-ნაკლებობით ბ-ნ სპ. კედიასაც დაუმადლონ! მაგრამ კრიმინალურ ბუნებას რა უნდა მოსთხოვო?!

დაბოლოს, ვინაა ავტორი იმ პროვოკატორულ წერილის? იგი ლაჩრულად ხელმოუწერელია! მაგრამ ეს წერილი და ორივე წერილი მის წინ,—ერთი ავტორისაა: ერთი აზრი, ერთი გრძნობა, ერთი ხელია! ავტორის ვინაობას ყოველი ქართველი იცნობს. ეს იცის ყოველმა ბავშვმა! ამიტომ მე მას დღეს არ ვასახელებ, მაგრამ ხვალ თავასახელებ—რომ ეს უსხოელმაც გაიგოს. ეხლა კი ჩვენ პრაქტიკულად უნდა მივმართოთ თავდაპვისათვის სასამართლოს: მართალა აქვს ქორდანიას ჯგუფს ისეთი ვერდიქტი, რომ ტერორი აწარმოოს საფრანგეთის ტერიტორიაზე?!

შემდეგ, ეს პროვოკატორული წერილი 1927 წლის „მენშევიკურ დოკუმენტი“ თურთ, სათანადო განმარტებით უნდა დავუგზავნოთ ევროპის უმთავრეს სოციალისტურ პარტიებს, მეორე ინტერნაციონალს და მოვითხოვოთ მსჯავრი: დასაშვებია თუ არა სოციალისტურ წრეებისათვის ევროპაში ეგზომი პროვოკატორობა და ბოროტმოქმედება.

აქამდე ვერ გაუგიათ და მაშინ იგრძნობენ თუ რა სამარცხვინო ბოძე არიან გაკრულნი! ხოლო ემიგრაციაში? დეე, ყველმა ჩვეხვანმა თვი თან გააჩიოს საფლავის მყრალი ლეში წარსულისა, უბიწო სოცხალ მომავლისაგან!

ტ. მარგველაშვილი.

## მენშევიკების მოწიგი პროვოკაცია.

„აფსუს სამართლიანად თავმოწონებულ პრესავ, რომ შენი დიდებული სარბიელი მყრალ გუბედ გაუხდიათ და საცა პატიოსანი ჭკუა და წმინდა გული უნდა ხელმწიფობდეს ჭია-ლუა ბეზღობისა ჭყუპალობს და თავის ბუდეს იკეთებს“ — „ო სწერდა ილია ჭავჭავაძე (იხ. ილია. ტომი IX. ნუ თუ?) ნ. ჟორდანიას გაზეთზე ამ საუკუნის დასაწყისში, მაგრამ შემდეგ მენშევიკურმა პრესამ საკმაო პროგრესი გააკეთა და მათდა სასახელოდ შეიძლება ითქვას, რომ „ბრძოლის ხმა“ და „დამოუკ. საქართველო“ — ს ნოემბრის ნომრები პროვოკაციისა, ცილისწამების და სიყალბის შეთხზვაში სარეკორდო მიღწევას წარმოადგენენ, ყველა დღემდე გამოსულ მენშევიკურ ფურცელთა შორისაც.

ეს ნომრები მუდამ დარჩება სანიმუშოდ უპასუხისმგებლობის, პოლიტიკური უზნეობის და ქუჩური ალვირწახსნილობის მხრივ. მაგრამ ნათქვამია „კოკასა შიგან რაცა სდვას, იგივე წარმოსდინდებისა“ და ჩვენც ქართველ მენშევიკებისაგან და კერძოთ ნ. ჟორდანიასაგან უკეთესს არაფერს მოველოდით და სასიამოვნოდაც მიგვაჩნია რომ ქარველ საზოგადოების წინაშე თავი თვითვე გაიშიშვლეს და თავიანთი მორალური სიმანხიჯე კიდევ ერთხელ გამოამწეურეს.

საკმაოდ ცნობილია, რომ ერთნული მოღვაწეების გავლენისა და სახელის გასატეხად ნ. ჟორდანიამ და მისმა ხალხმა, „სამოღვაწეო“ ასპარეზზე გამოსვლის პირველ დღიდანვე, ხმარებაში ჯაშუშობა, დაბეზღება,



პროვოკაციები და სხვა ამგვარი უზნეო საშუალებანი შემოიღეს.

„არავეითარ საზიზღარ ცილისწამებას არ ჰთაკილობს ოღონდ-კი ქუჭყი რამ მოსცხოს მის არამასიამოვნებელს და არა თანამოაზრესო“ ამბობდა ილია [იხ. იქვე) და ამ დროიდან მოყოლებული ერთი მოღვაწეც არ დარჩენილა რომლისთვისაც ქორდანიასა და მის დამქაშებს არ ეჯახუშათ, პროვოკაცია არ მოეწყათ და ლაფი არ შეესხათ. გასული წლებ ბრის მორიგი გამოსვლაც მოულოდნელი აოაფრით იყო, რადგან „ქინი შუ რისგებისა, როგორც ყოველივე სხვა უწმაწური ქინი ძნელად თავდასა ქერია რაკი კაცს შესჩვევია“ [ილია. იქვე] მაგრამ ქორდანიას ამ გამო სვლამ ერთი დადებითი შედეგიც მოიტანა: ქართველი ემიგრაცია საბოლოოდ დაარწმუნა, რომ ამ ხალხის ჯარდაქმნა შეუძლებელი საქმეა და რომ ყველა იმ ბოროტების საწყისი, რომელიც მენშევიკების ბანაკში ისახება, თვით ქორდანიასა. იგია სათავე იმ წყაროსი. საიდანაც ქართველ საზოგადოებას ასე უხვად ეფინება ბოროტი ინსინუაციები, უზნეო პროვოკაციები და საერთოდ ყველა სახის საზოგადოებრივი გაზრწხის სახადი.

ბ-ნ სპირიდონ კეღიაზე ამ ხალხის მიერ უკანასკნელად მოტანილი უზნეო იერიში მხოლოდ იმიისათვის რომ ის სასამართლომ მოწმედ დაიბარა ბევრ რამეს მოწმობს: პირველ ყოვლისა მათ ზოლოლოგიურ შიშს ზნეობრივი სიმტკიცისა და პოლიტიკური იდეურობის განმასახიერებელ, რაინდული პირდაპირობის მქონე ადამიანის წინაშე ეს მორიგი საზიზღარი იერიში არის ბრძოლის გამოცხადება მთელ ერთ ენულ-პატრიოტულ საქართველოსთან და უცხოეთში-კი ემიგრაციის იმ ნაწილთან, რომელმაც ბ-ნ სპ. კეღიას მეთაურობით დაჰგმო ქორდანიას პოლიტიკა, მისი პროვოკაციული საქმენი და მათთან ყოველგვარი კავშირი გასწყვიტა. ეს იერიში ნათლად მოწმობს იმასაც რომ ორგანიზაციულად დაშლილ, და იდეურად გაკოტრებულ მენშევიზმსა და მის ბელად ქორდანიას სურვილი აქვთ თავის მსხვერპლს—ბედშავ საქართველოს—სიკვდილის წინ განსაკუთრებით მწარედ უკბინონ მაგრამ ერთ ენულ-პატრიოტული საქართველო ამ ბოროტ განწრაზვას ღირსეულად უხვდება—ჩვენ მნათა ვართ ბრძოლა მივიღოთ;

მხოლოდ საინტერესოა ვიცოდეთ: რას ფიქრობდა ამ უზნეობის ფაბრიკაციის დროს რუსეთის მეფის ობრანცისა და უანდარმერიის არქი-





ვის გვირბი? ეტყობა მას ეს ამბავი დავიწყებული ჰგონია და დიდგულად კედიას ამქარი“ს „ბოძზე გაკვრა“ს მოითხოვს. იქნებ ისიც გვითხრას, თუ სადა სურს ბოძზე გაკვრას, ხომ არ ინებებს ეს ბოძიც საგურამოზე აღმართოს? ამ კითხვებზე პასუხი ნ. ჟორდანიას ეკუთვნის. ჩვენ-კი საქირად მიგვაჩნია ჩვეს მკითხველს საქმის ფაქტიური მხარე გავაცნოთ.

რამ გამოიწვია ეს უხნეო თავდასხმა. რა იყო მიზეზი?—ამის ნამდვილი მიზეზი მის ავტორთა იუნებაში მარჩია: ეს არის მათი სულიერი მოთხოვნილება, რომ მოწინააღმდეგის დასამარცხებლად პროვოკაციები აწყონ და უხნეო ჭორები ავრცელონ, საბაბად-კი გამოიყენეს ის გარემოება რომ ბ-ნი სპ. კედია, ისევე როგორც ევა. გეგეჭკორი და ალ, ასათიანი. ჭანუკვაძემ თავის მოწმედ დასახელა, მაგრამ ამ უკანასკნელებმა სამი დღით ავადმყოფობის მოგონება არჩიეს და სასამართლოში არ გამოცხადებულან—ეტყობა ასე ესმის ბ-ნ მინისტრსა და მის იმპერატორს მოქალაქეობრივი მოვალეობა სასამართლოსა და საზოგადოების წინაშე. ბ-ნი სპ. კედია-კი „ავად არ გამხდარა“ და თავის მოქალაქეობრივი მოვალეობის მოსახდელად სასამართლოში მოწმედ გამოცხადდა. ამისათვის მასზე თავდასხმა მხოლოდ იმათ შეუძლიანთ ვინც თავიანთი ბუნელი საქმიანობის გამომქლავების შიშით ძრწიან და გაურბიან სიმართლესა და სამართალს. ბ-ნი სპ. კედიას ჩვენება არ მიუძია შაგრამ ნ. ჟორდანიას გულთმისანი ყოფილა, მას დაუნახავს ბ-ნი კედიას გულის ნადები და დაჰკრა ბუკი და ნალარა: ეგ ჩვენი მტერია, დაჰკათ მაგას, ბოძზე გააკარითო, თანაც აქეზებს თავის კრიმინალებს, ნუ შეშინდებით, ჩვენი მტრის მოკვლისათვის საფრანგეთის სასამართლო არ დაგსჯით—ვეშაპელის მკვლეელი გაანთავისუფლესო.

მისმა დაქირავებულმა კალმოსნებმაც არ დააყოვნეს და რომ ნასი ამოვნებ პატრონს მეტი გამოსციცქნონ წრიბინი მორთეს: მკვლელობას, ტერორს იცავენო“, მაშინ როდესაც ბ-ნი კედიას მთელი წარსული იშვიათის სოცხადით ჰლაღადებს რომ ის შეურიგებელი მკიცხავია ყოველ გვარი მკვლელობისა და ტერორის. განა ეს ჟორდანიამ და მის მოწინამულ კამარილიამ არ იცის?

ტერორი—მკვლელობა თუნდაც პოლიტიკური მოწინააღმდეგის—ეს ჩვენგან ძველიდანვე უარყოფილი საშუალებაა, რომელსაც ჩვენი პარ

ტია მუდამ ებრძოდა და ებრძვის, რადგან ეს ბარბაროსული მეთოდი შეუთავსებელია ჩვენს პარტიულ მორალთან და მის მოძღვრებასთან. პოლიტიკური ტერორი ჩვენში თვით მენშევიკებმა შემოიღეს და მათი რანაკიდან გასროლილი პირველი ტყვია უდიდეს ქართულს მოხვდა. ასეთი მოვლენები მუდამ ჩვენს გარეშე ხდებოდა და რამიშვილის სამწუხარო მკვლელობაც მენშევიკურ წრეებში ჩაისახა და შესრულდა—მენშევიკმა ჯანუკვაძემ მოჰკლა მენშევიკი რამიშვილი. თუ ამ მოვლენის მიზეზის ძებნას დავიწყებთ, იგი რატომ უნდა, უნდა ვეძიოთ იმშურისძიებისა და ინტრიგების პოლიტიკაში, რომელსაც მენშევიკები აწარმოებენ და რომლის შედეგად ნ. რამიშვილს ხელით შეეხო ჯერ ალ. ასათიანი და მერე მკვლელობის წინა კვირას თვით ევგ. გეგუჭოროცი.

მენშევიკებში გაბატონებული ჯგუფის „პოლიტიკა“, ან უკეთ რომ ვსთქვათ უზნეო ინტრიგების ქსელი იქამდე გაღრმავდა რომ მეთაურთა შორისაც ერთმანეთის დანდობა არ არის და ერთი მეორეს სამარეს უთხრიან. ხოლო ასეთი მდგომარეობის დამყარებისათვის ყველაზე ენერგიულად თვით რამიშვილი მუშაობდა, ამიტომ ბუნებრივია რომ მენშევიკური პარტიის ზოგიერთ მეთაურებთან ერთად პარტიული მასის უმეტესობაც მის წინააღმდეგ ამხედრდა. ჯანუკვაძემ მენშევიკებში აღზრდილი, მათი მოძღვრებით დაგეშილი და მენშევიკური პარტიის ცნობილი და ერთგული ტერორისტი ამ გაღიზიანებულ ნერვიულ ატმოსფერაში სცნოვრობდა. რაც დრო გადიოდა, მენშევიკურ დაჯგუფებებსა და ცალკე მეთაურთა შორის დამოკიდებულება მწვავედებოდა. ურთიერთ სიძულვილი და მტრობა იზრდებოდა და ბნელი მენშევიკური მასისა შურის ძიების სურვალით იქლენებოდა,—ამიტომ უბედურება შემთხვევით რამეზედ იყო დამოკიდებული. განა ეს არ იცის. ჟარდანიამ? მან მეტიც იცის. იცის მშვენივრად, რომ მკვლელობის დღეს კრებაზე სადაც თითონაც მიდიოდა, წინა კვირით ნ. რამიშვილისა და ევგ. გეგუჭოროს შორის გამართულ კრივის გამო გაღიზიანებული ხალხი იარაღ ასხმული მივიდა და როგორც თვით მენშევიკები ამბობენ: „საკმარისი იყო რამიშვილის გამოჩენა, რომ სისხლის ღვრა მომხდარიყო“, მაშასადამე ჯანუკვაძემ მხოლოდ სხვებს დაასწრო და ამით შესაძლოა სხვების სიცოცხლე იხსნა.



ყოველივე ეს ბევრისათვის და ყველაზე მეტად ქორდანიასათვის იყო აშკარა ე. ი. მან იცოდა მკვლელობის ნამდვილი მიზეზები და მკვლელის ვინაობა; მიუხედავად ამისა მკვლელი უსწობად და ბოლშევიკების აგენტად გამოაცხადეს ამისათვის-კი საჭირო იყო რაიმე საბუთი.

ასეთი საბუთი ნ. ქორდანიამ იოლად იშოვნა—ეს იყო სოცხალი მოწმე ვინმე ქერქაძე. ქორდანიას თვალის ჩინი ვილაც მენალარიშვილი მიდის ქერქაძის ბინაზე, მიჰყავს ის საქართველოს საელჩოში, სადაც მოთავსებულ იქნა მენშევიკური პარტიის ბიურო და ბერიშვილთან (ნ. რამიშვილის დისწული) ერთად აშინებს გადასახლებითა და მოკვლით—,ხომ იცი რამიშვილინა 100 კაცს დაგვოცავთო“. მუქარით შეშინებული უპიროვნო ქმნილება ხელს აწერს უკვე დამზადებულ წერილზე [იხ. ქერქაძის ჩვენება პრეფეტკურაში] კისრულობს სთქვას, თითქოს ჯანუკვაძესთან ერთად ორჯერ იყო ბოლშევიკების საელჩოში.

მაგრამ ამ ყალბი მოწმობის შემდეგ ამ საცოდავ არსებას სინდისი აწუხებს და ეძებს გამოსავალს. ვისაც ხვდება არა მენშევიკს უამბობს თავგადასავალს და ტირილით დახმარებას სთხოვს: შემაშინეს, მოკვლას დამემუქრენ და სრუ მოწმობა მაკისრებინეს. მიშველეთ თორემ ამის გამხელისათვის უსათუოდ მომკლავენო“. ამ თხოვნით მიმართავს ქერქაძე რამიშვილით უკმაყოფილო მენშევიკებსაც. [ამას ამოწმებს სხვებთან ერთად ბევრი მენშევიკიც.] ამავე თხოვნით მიდის ის ჩვენს პარტიულ მეგობართანაც და ამნაირად თვალწინ გვეშლება ქორდანია—მენალარიშვილის მიერ უბადრუკად ჩაწყობილი კრიმინალური დანაშაული, აი ამან დაურღვია სულიერი სიმშვიდე ნ. ქორდანიას. მისი საწინააღმდეგო უზნეო საქციელი არ დაიფარა და ჩვენც გავიგეთ, რაც ნიშნავდა კოვჩის ნაცარში ჩაყარვას. ამით შეფუთვებულმა ბოროტმა არსებამ სცადა თავი დაეჭვებინა და გამოსავლად უსაძაგლესი და უბინძურესი გზა გამონახა: თავის სისხლის სამართლის დანაშაული ჩვენ დაგვაბრალო მაგრამ ქერქაძის თავგადასავალი ქართველ საზოგადოებაში უკვე ფართოდ განმავრცობული აღმოჩნდა და ქორდანია-მენალარიშვილის გაღმა გამოდაეებამ მხოლოდ ხაზი გაუსვა რომ მენშევიკური პარტიის ამ მეთაურთა კრიმინალურ ბუნებას უკვე არ ძალუძს ათეულ წლების განმავლობაში შესისხლბორცვებულ უზნეო სრულებზე ხელის აღება.

მენშევიკური პარტიისა და მისი მთავრობის თავრის ამ მორიგემა

საინჟინარო პრეზიდიუმის ერთხელ კიდევ გვანახა რომ მათთან საჭიროა ბრძოლა რეალური, სასტიკი და შეურიგებელი, რომ ქართველ საზოგადოებაში ქბოლო მოედოს შუღლისა და მტრობის ხელფენურად თე სეას. საჭიროა საზოგადოებრივი აზრის ღვიძება და მისი ერთსულოვანი მობილიზაცია რომ საზღვარი დაუდოთ უპასუხისმგებლო კრიმინალთა თარეშს.

უნდა მივმართოთ ყველა ორგანიზაციებსა და დაწესებულებებს სა დაც უორდანია და მის დამქაშებს ჯერს კიდევ მიესვლებათ, რომ სრულ იად გავაცნოთ მათი ზნეობრივად მახინჯი ფინიონომია.

ს. ცომაია.

### მენშევიკთა მოწიგი პრეზიდიუმი.

განსვენებულ ნოე რამიშვილი მკვლელის გასამართლების შემდეგ დაჩქარებულის ტემპით გამოვიდა სოც-დემოკრატიული პარტიის ორგანო „ბრძოლის ხმა“ და მისი ფილალი „საერთო ფრონტის“ ორგანოდ წოდებული „დამოუკიდებელი საქართველო“ მართალი გითხრათ დიდის კურთხევით გავსდინით ერთი და მეორეც. გვანტერესებდა თუ როგორ დააღწევდენ თავს ქართველი მენშევიკები იმ მეტად რთულ მდგომარეობას და მორალურ მარცხს, რომელიც მათ პროცესზე განიცადეს.

ვისაც ჯერ კიდევ ობიექტივობა არ დაუკარგავს ამ მოწამლულ ემიგრანტულ ატმოსფეროში და ფაქტის სწორად დაფასების უნარი შერჩენია. ის უეჭვლად დაგვეთანხმება, რომ „ეროვნული ღირსება“ მხოლოდ ფსიხიურ სენით შეპყრობილი ადამიანების გონების ნაყოფია გრძნობენ რა თავიანთ მარცხს მენშევიკები ჩვეულებრივი ბაქობის შემდეგ მათი ვითომდა გამარჯვების შიხანებ, თავს ესხმიან ბატონ სპირიდონ კედიას ბატონ გ. გეგელიას და ყველა ქართულ ეროვნულ ბანაკში მყოფ „გამდგარ“ ხალხს, როგორც ჩვეულებრივით ჩვენ გვეძახიან და სდილობენ ბატონი სპირიდონ კედია მათი მორალური მარცხის პასუხისმგებლად გახადონ „სამარცხენო ბოძედეგაკრან“ და მერე ვინ ბედავს ამას? ქართველი მენშევიკები? ის ხალხი, რომელიც ქართული ეროვნული აზრის



მიერ უკვე დიდი ხანია რაც მართლაც სამარცხვინო ბოძეა გაკრული,—მას შემდეგ რაც მაშინ მთლიანმა და შემდეგ ბოლშევიკ-მენშევიკად დაყოფილმა პარტიამ მოჰკლა ის დიდი ქართველი, რომელიც იყო ჩვენი ეროვნული ღირსების აღმდგენელი. ის ხალხი რომელიც 25 წლის ზანძილზე სთელავდა საქართველოს უფლებას და ღირსებას. და მერე ვის ესმიან თავს მენშევიკები? დღეს ბატონ კედის, გუშინ ქაქუცა ჩოლოჩყაშვილს, მიხეილ წერეთელს, გენერალ კვინიტაძეს, გამოჩენილ ქართველთ, ყველა იმ პირთ, ვისაც სიყრმიდან საქართველოს სამსხვერპლთზე ყოველივე პირადი მიუტანიათ. რა დააშავა ამ ხალხმა თუ არა ის, რომ მათ მორჩილება არ გამოუტყდადეს ბ. ჟორდანია და მის კამარულიას. არ უკრავენ ტაშს ამ უკანასკნელთა საქართველოს დამლუპველ პოლიტიკას. ან შეიძლება დრონი ისე შეიცვალნენ, რომ ბატონ ჟორდანია საგან უნდა ავიღოთ გაკვეთილები საქართველოს საყვარულის, საქართველოს სამსახურის. რომელი მკითხველი, რომელი მეტრძოლი ქართველი გინდათ დააჯეროთ ამაში? დარწმუნებით შეგვიძლია ვსთქვათ, რომ არც იქ თქვენ მიერ ტანჯვაში ჩაგდებულ საქართველოში და არც აქ ემიგრაციაში არც ერთი პატიოსანი ქართველი არ მოიპოვება, რომელმაც თქვენ კვერი დაგიკრათ. პირიქით, ყველანი ჩვენთან ერთად ამ თქვენს გამუდმებულ პროვოკაციას და საუკეთესო მამულისშვილებზე თავდასხმას, თქვენს პოლიტიკურ და მორალურ გაკოტრებასა და აქედან გამომდინარე ბრაზმორეულობას და სიბოროტეს მიაწერენ.

ჩვენ არ შევალთ ყველა იმის გარჩევაში რაც პროცესზე მოხდა, არც გამოვეკიდებით ყველა იმ ტყუილებს რომლითაც არის დაქსოვილი „ბრძოლის ხმის და „დამოუკიდებელ საქართველოს“ ანგარიშები. ჩვენ შევეხებით მხოლოდ მენშევიკების მიერ წამოყენებულ ორ თეზას, რომელთა დამტკიცების სრული დაზოგვით ამ ცდის დამარცხება იყო მიზნები მორალურ მარცხისა და არა ბ. კედია. პირველი თეზა: ჭანუყვაძე არის ბოლშევიკების აგენტი. ამის საბუთი? უბადრუკი ქერქაძეს ჩვენება. რომლის იმედით სწერდა თურმე ბ. ჟორდანია „ბრძოლის ხმა“ში: ჩვენ ურყევი საბუთი გვაქვს“ რომ ჭანუყვაძე ბოლშევიკების აგენტი იყო. რა გამოთიკვა პროცესზე? გამოთიკვა ის რომ ქერქაძემ პირველი თავისი განცხადება ჭანუყვაძის ბოლშევიკებთან კავშირზედ მართლაც მენაღარიშვილის ძალდატანებით გააკეთა. შემდეგში მან უარყო



ეს ჩვენება ფრანგულ ადმინისტრაციის წინაშე. პროცესზედ ის ისევ მოიყვანეს, პირველი ჩვენება გაამეორებინეს და თან დაამატებინეს: „მე შეგცვალე ჩემი ჩვენება გეგელიას და კედიას ხალხის მუქართო თვით ჩვენება ჩემს მაგიერ გეგელიამ მისცაო“. ქერქაძის და საუბედუროთ გეგელია მის გვერდით იდგა, რომელმაც თავჯდომარის შეკითხვაზე განაცხადა: „მე არავითარი ძალა არავისთვის დამიტანებია, და არც ქერქაძის მაგიერ ჩვენება მიმიციავო ქერქაძე თვით მოვიდა ჩემთან, მიაშოო თუ რა ძალმომრეობას ხმარობდენ მასზედ და დაცვა მთხოვაო. ამ მდგომარეობის გარკვევა მხოლოდ იმ ორ ფრანგ ადმინისტრატორს შეეძლო, ვინც ქერქაძის ჩვენების ოქმი დასწერეს. ერთმაც და მეორემაც თავმჯდომარის შეკითხვაზე განაცხადეს, რომ ქერქაძემ თითონ მისცა ჩვენება ფრანგულ ენაზედ, დასძინეს ისეც, რომ ქერქაძე ამის შემდეგ რამოდენიმე დღე პრეფექტურაში იძინებდა. რადგან მენალარიშვილის კომპანიის ეშინოდა. ეს მომენტი იყო გადამწყვეტი პროცესში. ქერქაძე როგორც პირი ჩვენება და მოწმე მოისპო მასთან ერთად დაინგრა მენშევიკების თეზაც. თვით ბატონმა ჯიაფერმა ითხოვა ქერქაძის მოწმობას ნუ მივიღებთ მხედველობაშიო. ბრალდებლებმაც არავითარი ანგარიში არ გაუწია ქერქაძის მოწმობას და ერთხელაც არ განუცხადებია ჯანუკაძის რაიმე კავშირი ბოლშევიკებთან. მენშევიკების და მენალარიშვილის ძალმომრეობა ქერქაძეზედ კი აშკარა შეიქნა. ამ უმაგალითო ფაქტმა დაამარცხა მენშევიკები მსაჯულების თვალში. „ბრძოლის ხმა“ რასაკვირველია დღესაც უარყოფს რაიმე ძალდატანებას ქერქაძეზედ, მაგრამ ჩვენ სხვა საბუთიც გვაქვს ამ ფაქტის შესახებ. სანამ ფრანგი ადმინისტრატორები მოვიდნოდენ ჩვენების მისაცემათ, კულუარში შეგხვდით ბატონ მიშა არსენიძეს\*) როგორი იყო ჩემი გაკვირვება, როდესაც ბატონმა არსენიძემ მითხრა სიტყვა სიტყვით შემდეგი: „რასაც გეგელია ამბობს სწორია. ქერქაძე ჩემთან მოვიდა და ყოველივე მიაშოო, მთხოვა დავნმარებოდი. მე ურჩიე გაჩუმებულ იყო და არ აცოლოდა მენალარიშვილის მუქარას. თუ კი მაინც კიდევ ძალას დაატანდენ თვით წასულიყო ვეჭილთან. ამის შემდეგ ერთ საღამო

\*) აღსანიშნავია რომ პროცესზედ მოწმედ არ ყოფილან ის სოც.-დემოკრატები, რომელნიც ყორდანაის კამარაილის ოპოზიციაში უდგანან. ზოგიერთი მათგანი პირიქით აღშფოთებას გამოთქვამდენ მათი პარტიის წევრების უმგვანო ქცევაზედ.



თი ქერქაძე ისევ მომადგა და ტირილით გამიცხადა, მაინც ჩამადენიეს ეს საქმეო. მე ძალიან გაუჟავრდი და გარედ გავაგდე. სისულელე ჩაიდინე და აწი თვით მოუარე შენს თავსთქო“.

მე დიდ ბოდის ვიხდი ამ პატივსემულ მოღვაწის წინაშე, რომ მის ნებადაურთველად და გაუფრთხილებლად ვაქვეყნებ მის ნათქვამს, მაგრამ როდესაც მისი პარტიული ამხანაგები უორდანი-მენალარიშვილ-გვარჯალაძის ჯგუფი მიმართავენ ყოველივე საწინააღმდეგარ ხერხებს ჩვენს წინააღმდეგ, ჩვენ ვთხოვთ ბატონ არსენიძეს და ყველა პატიოსან ქართველს მოგვიტყვეოს ეგრეთი პატარა დანაშაული.

დაუბრუნდეთ პოლცესს. პირველი თვის განხილვამ დაგვანახა თუ როგორი მარსხი განიცადეს მენშევიკებმა ქერქაძის ჩვენებით. ეხლა განვიხილოთ მეორე მათი თეზა. „ჭანუკვაძის განცხადება, რომ მისი ოდენ კურიდან გაძევება განსვენებულ რამიშვილის დასტურით მოხდა ტყუილია. ის იქიდან გააძევა ოდენკურის ასოციაციამ. ბატონი რამიშვილი კი პირიქით მოითხოვდა მისთვის გაორკვეციულ დახმარების მიცემასო? ჭანუკვაძე ამრკვიტებს წინააღმდეგს: „რამიშვილი დაესწრო იმ კრებას, რომელზედაც ჩემი ასოციაციიდან გარიცხვა და ოდენკურიდან გაძევება დაადგინესო. მენშევიკებმა თავიანთ თვის დასამტკიცებლად გამოიყვანეს ბატონი ბაქრაძე. ოდენკურის ასოციაციის თავჯდომარე. რა სთქვა ამ „მოწმემ?“ მან კარეგორიულად განაცხადა, ბატონი რამიშვილი არაფერ შუაშია ჭანუკვაძის გაძევებაში, მას ამ საქმეში არავითარი მონაწილეობა არ მიუღია, გარდა იმისა რომ 250 ფრანკის მაგიერ 500 ფრანკი მიგვაცემინა ჭანუკვაძისთვისო. მან უარყო ბ. რამიშვილის კრებაზე დასწრება. მაგრამ ჭანუკვაძის დამცველ ვექილის შეკითხვის შემდეგ ის იძულებული შეიქმნა მაინც ეთქვა—რამიშვილი შემთვინა კრებაზე და ისევ მალე გავიდაო. ეს ვექილის მიერ გამოგლეჯილი უკანასკნელი განცხადება ბაქრაძისა ფატალური იყო მისი თვისთვის. ვექილმაც მოხდომილად ისარგებლა ამ განცხადებით და დაანგრია ბაქრაძის თეზაც და მისი ჩვენებაც. აი ამ უკანასკნელმა ჩვენებამ და ქერქაძის ინციდენტმა იქონიეს გადამწყვეტი მნიშვნელობა პოლცესზედ. ამ ორ მომენტში თქვენი თვის დამარცხებამ გამოტანინა ნაფიც მსაჯულებს ის განაჩენი, რომელიც თქვენი თვის აუცილებლად დიდ მარცხს წარმოადგენს და რისთვისაც პასუხის

მგებელი თქვენ თითონ ბრძანდებით და არა ბატონი კედია და მისი „ამქარი“.

ესლა გავსინჯოთ სასამართლოს განაჩენი. ის მართლა წარმოადგენს თუ არა მორალურ მარცხს, რომლითაც ჩვენ ვხსნით მენშევიკთა სწორწონაობის დაკარგვას და ბოროტ-პროვოკაციულ წიერილებით გამოლაშქრებას.

მენშევიკები თავს იკატუნებენ და რიხით სწერდენ დაახლოებით შემდეგს: „მოხდა ჯერ არ მომხდარი ფაქტი; სენის ნაფიც მსაჯულებს ჯერ არც ერთი პოლიტიკური დამნაშავე არ გაუმტყუნებია, გარდა ჭანუკვაძისა. ჭანუკვაძის გამტყუნება ეს ჩვენი გამარჯვებაა.“ მენშევიკები აქაც ჩვეულებრივად სტყუიან. მათ კარგად იციან რომ პროცესს პოლიტიკური ხასიათი არ მისცემია. ჯერ თვით ბატონი-ჯიაფერი—სამოქალაქო მხარის წარმომადგენელი, გაუბრბდა პროცესისთვის პოლიტიკურ ხასიათის მიცემას. ეს ჩვენთვის და ყველასათვის ალბად გასაგები ფაქტია და კომენტარიებშიც ზედმეტია. რაც შეეხება ბრალმდებელს და თვით ჭანუკვაძის დამსველ ვეჟილერს, ესენი ხომ ძალიან შორს იყვნენ პოლიტიკისაგან.

ჭანუკვაძე გაასამართლეს როგორც სისხლის სამართლის დამნაშავე და ის სასჯელი, რომელიც მას ამ შემთხვევაში შეხვდა, არის სწორედ დიდი მარცხი რომელმაც მენშევიკები გააბოროტა. მართლაც და წარმოვიდგინოთ სურათი პროცესისა: ერთის მხრით ხროქართველი მენშევიკებისა, მათ ლაქიათა და მათთან რამოდენიმე გულუბეცვრილო უცხოელი. ყველა ესენი თავს ესხმიან ჭანუკვაძეს, ქებას ასხამენ მის მსხვერპლს და მენშევიკურ პარტიას. მეორეს მხრით ჭანუკვაძე მარტო, უპატრონო, არც ერთი კაცი მის მოწმედ, გარდა მისი სახლისპატრონისა, რომელიც მასზედ კარგს ამბობს.

იმ კითხვათა მიხედვით რომელიც გადაეცა ნაფიც მსაჯულებს საპასუხოდ მას შემდეგ ბრალდებები უყენებენ 1. რამიშვილის მოკვლა 2. ამ მკვლელობის განძრავ და მოფიქრებულად ჩადენა 3. მენალარიშვილის მოკვლის ცდა tentative de mort 4. მენალარიშვილის მოკვლის წინასწარი განზრახვა და 5. მოკვლის განზრახვით ჩასაფრება. ჭანუკვაძე არც ერთ ამ ბრალდებას არ უარყოფს. პირიქით ის მტკიცედ ადგია თავის პოზიციას. თითქოს ცხადი იყო, რომ ნაფიცი მსაჯულები უპასუხებდენ



ყველა კითხვებზე კ ი-ს და ჭანუყვამეს თავს მოსჭრიდნენ. ესეთ განაჩენს ეძებდნენ და მოელოდნენ მენშევიეები და მაშინ მართლაც გამარჯვებულად ჩათვლიდნენ თავიანთ თავს. მაგრამ ნაფიცმა მსაჯულებმა, მიუხედავად ჭანუყვამის შეურყევლობისა, მხოლოდ პირველ კითხვაზე უპასუხეს კ ი და ისიც მცირე უმრავლესობით. დანარჩენ კითხვებს მსაჯულებმა უპასუხეს არა და თან მიუმატეს შემასუბუქებელი მდგომარეობა. თუ ჭანუყვამეს, პირველ კითხვაზე კ ი-ს პასუხით მოელოდა სამუდამო კატორღა, ნაფიც მსაჯულების მიერ შემამსუბუქებელ მდგომარეობის მიმატება ნიშნავდა, რომ მათ ეს სასჯელი მეტად მკაცრად მიაჩნიათ და სასჯელის მინიმუმს მოითხოვდნენ. ესეთი განაჩენი, ზევით მოყვანილ მდგომარეობის შემდეგ, მე მგონი ყველასათვის ნათელჰყოფს მენშევიეების სასტიკ მარცხს.

განაჩენის გარჩევის შემდეგ აშკარაა რომ ჩვენი თეზა მენშევიეების მორალური მარცხის შესახებ სწორია და ისიც აშკარაა, რაც მთავარია ჩვენთვის, რომ ამ მარცხის პასუხისმგებელი მხოლოდ და მხოლოდ თვით მენშევიეები არიან. აი ამ პასუხისმგებლობის თავიდან მოხსნა და მისი ბატონ სპ. კეილახედ, მის ახალგაზრდა თანამშრომელ გ. გეგელიაზე და სხვებზე დაკისრება სურთ ბატონ მენშევიეებს და მათზედ აშკარად ილაშქრებენ თავიანთ [სხვებზედ კი კერძოდ ჩემზედ ჩვეულებრივად კუთხეებში ჭორაობენ] გაზეთებში.

ჩვენ შეგვიძლია კატეგორიულად განვაცხადოთ იმის დამიხედვით რაც პროცესზე ვნახეთ და რაც კერძოდ ვიცით, რომ არც ბატონი სპ. კეილა და არც ბატონი გეგელია პროცესზედ ჭანუყვამის მოწმედ არ ყოფილან.

რაც შეეხება ბ. გეგელიას, მან ჩვენება მისცა მხოლოდ ქერქაძის შესახებ. ის იძულებული იყო სასამართლოში მისულიყო და გაემეორებინა ის რაც მას ქერქაძემ უთხრა. მას არ შეეძლო სხვანიირად მოქცეულიყო, რადგან ჩვენ პროცესიდან ვიცით რომ სწორედ მას სთხოვა ქერქაძემ მფარველობა მენალარიშვილისაგან და მასვე სთხოვა ფრანგულ ადმინისტრაციასთან წაყოლა. ქერქაძის ბელმეორეთ ჩვენების შეცვლის შემდეგ, გეგელიას რომ არც მოესურვებია სასამართლოში მისვლა, მას მაინც მიიყვანდნენ იქ. ბრალი ვისია?..

მიუხედავად იმისა რომ ბატონი გეგელია პროცესზედ მოწმედ იყო,



მას ერთი სიტყვაც არ უთქვამს განსვენებულ ნ. რამიშვილის წინააღმდეგ და არც ჟანუკვაძის დასაძავად. მან მხოლოდ თავი დაიკლა იმ საზიზღარ ცილისწამებისაგან, რომელიც თქვენ მას დასდეთ.

მაშ ბატონო მენშევიკებო ცილისწამებისგან თავდაცვას თქვენ ჟანუკვაძის მოწმობას უძახით არა?

ბარაქალა თქვენს ლოლიკას. რაც შეეხება ბატონ კედიას; ის ისეთივე მოწმე იყო, როგორც სხვები მასთან ერთად დამცველ ვეჟილთაგან გამოძახილნი. ბატონ კედიას დაუძახეს როგორც ქართულ პოლიტიკურ მოღვაწეს, როგორც ბ. რამიშვილის და მისი პარტიის მოწინააღმდეგე ბანაკის წარმომადგენელს. მაგრამ მასთან ერთად ხომ იყვენ დაძახებულნი ბ. ვეგენი გეგუქორი და თქვენი ახალი მოკავშირე, რამოდენიმე თვის უკან თქვენ მიერ ბოლშევიკად და მოლაღატედ გამოცხადებული ბატონი ალ. ასათიანი? თუ თქვენ ბატონ სპირიდონს ჟანუკვაძის მოწმობას აბრალებთ, იმავე ლოლიკით ბატონი გეგუქორი და ბატონი ასათიანიც მის მოწმედ უნდა გამოგვეცხადებიათ. მაგრამ თქვენი ლოლიკა ყოველთვის სუსტობდა და ეხლა-კი ის სულ გამქრალა. ან შეიძლება თქვენ ბატონ სპ. კედიას ბრალს იმაში სდებთ, რომ ის თვისი მოვალეობის მოსახდელად სასამართლოში გამოსხადდა, სხვებმა კი არჩიეს სახლში დარჩენა. თქვენ გინდოდათ ბატონებო რომ ბატონი სპ. კედიაც სახლში დარჩენილიყო? ბატონო მენშევიკებო, ნება მიეცით სხვებს თავიანთი მოვალეობა უკეთ ისოდენ და თქვენი გაკვეთილები მოვალეობაზე თქვენთვის შეინახეთ. ან რად სსხარობთ ეგზომათ, ბატონ კედიას ხომ ერთი სიტყვაც არ უთქმას პროცესზე. მაგრამ თქვენ ერთი ქართული ანდაზა უნდა გაგახსენოთ „მელიას რაც ელანდობა ის ესინმებოდა“. თქვენ ალბად ფიქრობთ რომ ბატონი სპ. კედია ისევე ვერაგულად მოიქცეოდა, როგორც თქვენ მოიქცეოდით, რომ როლები შეცვლილი ყოფილიყო. თქვენ ხომ არასოდეს და აზაფერში რაინდობა არ გამოგიჩენიათ და ალბად თქვენი საზომით ზომავთ ყველასა.

თქვენ სწერთ: პროცესმა ნათელჰყო ამ ხალხის მუშაობა პროცესამდეცა. მე არ მგონია თქვენი მკითხველის უგუნურობაზე ანგარიშობდეთ, როდესაც ამას სწერთ. როგორ პროცეს ამზადებდენ და ესეთნაირად მოამზადეს? განა არა გრძნობთ თუ რა სისულელეს სწერთ. პროცესს ამზადებდენ და ბატონი სპირიდონის მეტი „მოწმე“ ვერ იშოვეს. არა ბატონ



ნებო ამის დაწერა თქვენი მეტის მეტი უგნურობაა. ბატონ სპ. კედიას, და იმათ ვინც თქვენს საერთო ფრთხილს არ ცნობს და მის გარეშე სდგას, რომ მოგვესურვებია თქვენთვის ბრძოლის მიცემა სასამართლოში, ესე იგი ფრანგულ საზოგადო აზრის წინაშე, თქვენ გჯონიათ ვერ შევიძლებდით?

განა ცოტა საბუთების და დაფორმების გახსნა შეგვეძლო, თქვენ მიერ წასულში და აწმყოში ჩადენილ შეგ-ბნელ საქმეებისა. განა ცოტა მოწმეებს მოგიყვანდით იქ თქვენთვის ნილაბის ასახდელათ. არა მარტო ქართველებს, სხვებსაც. ჩვენს მეზობლებსაც. სხვას რომ ყველაფერს თავი დავანებოთ უარდანია-რამიშვილის მიერ მიწერილი წერილები არ იყო საკმარისი თქვენ გასაშავებლად?

ყოველივე ზევით ნათქვამი რომ სწორია, ეს კარგათ მოგვხსენებათ, მაგრამ ამან ხელი არ შეგეშალათ შხამი გადმოგენტხიათ და საპროვოკაციო წერილები დაგეწერათ. ამით დაამტკიცეთ რომ თქვენი ბუნება უცვლელია და სანამ კიდევ ქართულ პოლიტიკურ სცენაზედ ბოგინობთ, ალბად არა ერთ მაგალითს გვიჩვენებთ თქვენა სიბოროტი სა-განაგრძეთ არ იფიქროთ რომ ჩვენ ან გვალეღვებდეს ან რაიმე ანგარიშს უწევდეთ თქვენს ესეთს გამოსვლებს. ჩვენ ვიპით რომ ბუნები შე მოდგომანედ მწარედ იკბინებთან

მიხ. კედია.\*]

\*) ამ წამერში დაბეჭდილი წერილები, რომლებიც ეხება ნ. რამიშვილის მკვლელის პროცესის გამო მენშევიკური პრესის პროვოკაციულ გამოსვლას, იბეჭდება დაგვიანებით ქურნალის გამოცემის ტექნიკური მიზეზებით შეჩერების გამო.

რედ.

## განმარტება თეთრი გიორგის.

გასული წლის აგვისტო-სექტემბრის გან. „თეთრი გიორგის“ 43—44 ნომრებში დაიბეჭდა უსახელო წერილი ჩვენი ჟურნალის 3 ნომრის შესახებ, თუმცა დაგვიანებით მაგრამ მაინც საჭიროთ ვცანით ზოგიერთი განმარტებანი, ვინაიდან წერილის დამწერი ძლიერ დაბნეულა და ფაქტების ძალზე დაუმახინჯებია ამიტომ წერილიც მთლიანად გაუგებრობაზეა აშენებული.

მუდმივი ემიგრანტის ორგანო გაოსებულები კითხულობს თუ ვის ეკუთვნის ჟურნალი „ახალი ივერია“. წარწერიდანაც ნათელია, რომ ის ეროვნულ-დემოკრატიული ახალგაზრდობის ორგანოა, მაგრამ წერილის ავტორს მაინც გასძნელება მისი მისამართის მიგნება, რადგან ეროვნულ-დემოკრატიული პარტია მას დაშლილი და ახალგაზრდობაც დანაწილებული ჰგონია. ეს არ შეეფერება სინამდვილეს რადგან დიდი ხანია რაც ჟურნალი „ახალი ივერია“ გამოდის და ის აღიარებულია ეროვნულ-დემოკრატიული ახალგაზრდობის ორგანოთ. ამ ხნის განმავლობაში მას არც მიტოვებდა და არც პრეტენდენტი არ გამოჩენია, რაც ეროვნულ-დემოკრატიული ახალგაზრდობის მთლიანობის და გაუთიშველობის დამადასტურებელია.

მეორე ადგილს ყოფილ ეროვნულ-დემოკრატებს გვიწოდებენ, არ ვიცით კი რატომ ან რა აზრით? ან შეიძლება იმიტომ რომ ჩვენ წიხეთ სხვა აზრისა და შეხედულებებისანი ვიყავით და ესლა დავადებით თეთრი გიორგის გზას. არის მერე ეს მართალი?

შემდეგ ისინი სამშობლოს სიყვარულში გვედავებიან და კიდევ გვიწუნებენ და გვისაყვედურებენ მის ნაკლებობას. რას ნიშნავს „აღმათ მალე შეაშუქებს სამშობლოს სიყვარულის სხივი“? მაშ ჩვენ აქამდის მოკლებული ვყოფილვართ სამშობლოს სრულს იდეას, რომცა ასობით და ათასობით ვეწირებოდით საქართველოს განთავისუფლების საქმეს, არა უაზრო სიტყვების კორიანტელით, არამედ საკუთარი სიცოცხლის შეწირვით. სად იყვნენ ან სად არიან დღეს თეთრი გიორგელები? ვის საქმეს აკეთებენ ისინი? გამოდევნილ სპარსეთის შაჰის ტანტის დაბრუნებისათვის იბრძვიან და სამხრეთ-ამერიკის ჯარების მოსაწყობათ თუ საქართველოს დამოუკიდებლობის აღდგენისათვის?

პირდაპირ სასაცილოა, როცა წერილის დამწერი თეთრი გიორგული



აზრების და წარმოდგინეთ სიტყვების მითვისებასაც კი გვწამებს. ჯერ ერთი, გამოთქმა „ინტეგრალური პატრიოტიზმი“ ჩვენ გვეკუთვნის, რასაც ყველა ადვილად დაიჯერებს ვისაც ერთხელ მაინც წაუკითხავს ჩვენი ორგანოს გაზ. „საქართველოს“ მეთაურები და სხვა წერილები საქართველოში და აქ ემიგრაციაშიც ჩვენი გამოცემები.

მაგრამ რა მნიშვნელობა აქვს ამას და კაცი საგნებით მანიაკი უნდა იყვეს რომ ასეთ წვრილმანზე გვედავებოდეს;

წერილი ავტორი ერთს ახირებულ გზას დასდგამია: ყველა ჩვენს დებულებებს ის თეთრი გიორგულად აცხადებს, ყველა ჩვენს აზრებს ის თავისად ასაღებს და გულუბრყვილოდ გაიძახის: თეთრი გიორგისაც შეტი არა უთქვამს რაო; ახალი ივერიელები მივიდნენ საქართველოს დამოუკიდებლობის თეთრგიორგული შეფასებამდეო, თეთრგიორგული შეფასებასთან გვაქვს საქმე, ამაშიც ხომ ეჭვი არავის შეეპარებაო და სხ. ყოველს მანიაკს რასაც სხვა ამბობს და აკეთებს თავისი ჰგონია. რა ვქნათ ეს მისი ბუნების დამახასიათებელია.

ყველასათვის ცხადია რომ ჩვენ როგორც საქართველოს დამოუკიდებლობის ისე მენშევიზმის შეფასების საკითხშიც განსაზღვრული შეხედულებისა ვიყავით ვაკილებით უფრო ადრე ვინემ თეთრიგიორგი იხილავდა მზის სინათლეს და თუ სადმე უნდა იქძიოთ აზრების და შეხედულებათა მითვისება ეს ისევე თეთრი გიორგის ფურცლებზე და თუ ისინი ამის დამტკიცებას მოისურვებენ ჩვენ მზად ვართ.

მანამ კი მკვებარობაზე სჯობს ხელი ავიღოთ.

ტფილისელი-

რეზოლუციები.

14 მაისს 1932 წ. ბერლინის ერ. დემ. პარტიის ორგანიზაციამ იქონია მსჯელობა „სამშობლო“ს ჯგუფის მოქმედებათა შესახებ. მომხსენებელი იყო ბ-ნი ნაკაშიძე. ერთსულოვანი მსჯელობის შემდეგ მიღებულ იქმნა შემდეგი დებულებანი:

„სამშობლო“ს უკანასკნელ ნუმრიდან გავიგეთ შემთხვევით, რომ „სამშობლოს“ ჯგუფს მოუწყვია პარტიის სახელით ახალგაზრდათა კონფერენცია და აწარმოებს პარტიის სახელითვე პოლიტიკურ მოლაპარაკებათ.

ვდგევართ რა გაერთ. ს. ერ. დემ. პ. მთლიანობის ნიადაგზე, ვალ დებულნი ვართ სიმართლისა და ჭეშმარიტებისათვის განმეორებით მი ვილთ გარდაწყვეტილება და განვაცხადოთ შემდეგი:

მთელი პარტიის სახელით მოქმედება-მოლაპარაკების წარმოება ან ვისმესთან შეთანხმებაში შესვლა შეუძლია მხოლოდ იმ პირს, რომელ საც აქვს პარტიის ყველა და საყოველთაო კონფერენციათა მანდატი და უფლებამოსილობა.

სხვაგვარი მოქმედება იქნებოდა უზურპაცია, დამრღვევი პარტიის რეგლამენტისა, რადგან ეს უკანასკნელი მოითხოვს დემოკრატიულ წესს პარტიულ ვითარებაშიც. „სამშობლო“ს ჯგუფის შემადგენლობის გან ხილვაში ჯერ-ჯერობით არ შევდივართ, მაგრამ ვაცხადებთ, რომ ეს ჯგუფი წარმოადგენს მხოლოდ ერთ მცირე ნაწილს საქ. გაერთ. ერ. დემ. პარტიისა და ამიტომ მთელი პარტიის ვერც სახელსა და ვერც ხელმძღვა ნელობას ვერ მიითვისებს.

თვით ბ-ნ ა. ასათიანის მოქმედება მოკლებულია ყოველგვარ იუ- რიდიულ საფუძველს: 1. პარტიისაგან მას არავითარი მანდატი არა აქვს და 2. მოკლებულია აგრეთვე ნდობასაც, რადგან მისი ეხლანდელი მოქმე დება რადიკალურად ეწინააღმდეგება ა) პარტიის ერთსულოვან დეკლარაციას 1927 წ. გამოცემულს მისივე (ასათიანის) თანამშრომლობით, და ბ) მისივე საკუთარი წიგნის მრავალ ადგილებს და მთელ შინაარსს, რომელიც აგებულია ამავე დეკლარაციაზე.

ეს გარემოება უკარგავს ბ-ნ ასათიანს ნდობას, რადგან მუდამ საეჭ ვოდ რჩება, რომელია მისი საბოლოო აზრი, და ნამდვილი რწმენა; ან უკანასკნელია თუ არა მისი აზრთა შეცვლა.

რასაკვირველია, დასაშვებია პოლიტიკური გეზის შეცვლის შესაძლებლობა, მაგრამ უმთავრესია, რა რიგად და როგორი ზნეობრივი ფორმაში მოხდება ეს.

მეტად ცუდ შთაბეჭდილებას ახდენს პარტიის ორგანიზაციათა დაუკითხავად და მალულად ახალგაზრდათა ისეთი კონფერენციის მოწვევარომლის შემადგენლობაზე არც პარტიის წევრებსა და არც საზოგადოებაში ერთი და მთლიანი აზრი არ არსებობს და ზოგჯერ განცვიფრება საც იწვევს; ხოლო დასაგმობია ბოლშევიკური მეთოდი ახალგაზრდათა ტანჯვისა: ორიოდვე ახალგაზრდამ შეიძლება ბანაკი გამოიცივალოს („უფროსის“ მაგალითით!), მაგრამ სერიოზული მოსაზრებისათვის საჭირო არაა ძალადობით მათი „მონანიების“ ღალატის საჭეყნოდ და საჯაროდ გამოიტანოს.

ეს კონფერენცია უნდა მოწყობილიყო ყველა ორგანიზაციათა წინასწარი დაკითხვით, სწობითა და დასტურით და არა საიდუმლოდ.

აგრეთვე ყალბია ჩვენის ეჭვმიუტანელ სწობებით განცხადებაც, ვითომც ერ. დემ. პარტიის ორგანიზაციათა უმრავლესობა „სამშობლო“ს ჯგუფის მხარეზე იყოს. ორგანიზაციათა დაკითხვამ ბ-ნ სპ. კედიასაგან რეფერენდუმმა პარტიაში მოგვცა „სამშობლოს“ ჯგუფის გამკილაგი და მისი საწინააღმდეგო დიდი უმრავლესობა. ამიტომ უკანონა ეს ნაჩუქრალევი „კონფერენცია“ და მისი დადგენილებანი. ფართო წრისათვის სავალდებულო არაა და ვერც იქნება.

პარტიისათვის საყოველთაოდ სავალდებულო იქნება მხოლოდ განაჩენი მთელი პარტიის ყველა ორგანიზაციათა წარმომადგენლებისაგან შემდგარი კონფერენციისა, რომელიც უნდა მოეწყოს პარტიის რეგლამენტის წესით. მანამდის კი პარტიის მეთაურად ითვლება ბ-ნი სპ. კედია, რომელიც აქამდე ყველა საჭირობორბოტო საკითხებზე პარტიულ ორგანიზაციათა რეფერენდუმით ხელმძღვანელობდა. საყოველთაოდ და კანონიერ კონფერენციის მოწვევა უნდა მოეწყოს, განსაკუთრებით „სამშობლოს“ უკანასკნელი გამოსვლების გამო.—მიუკერძოებელ ორგანიზაციის ხელმძღვანელობით.

ჩვენ მოუწოდებთ პარტიის წევრებს და ფართო საზოგადოებას,— აღიკვეთოს ჩვენში ყოველი პირადი ზასიათის ბრძოლა და ვებრძოლოთ იმ სდათ, რომელთა მიზანია დემორალიზაციის შეტანა და გამეფება ეროვნულ მიმართულებასა და ქართულ ემიგრაციაში და რომელსაც პსჟრს თავს მოახვიონ ინტრიგა ქართველთა შორის ნაცვლად ქართული პოლიტიკის წარმოებისა.

ჩვენი უახლოესი მიზანია,—მოეწყოს პარტიული კონფერენცია და ერთობ ემიგრაციის საყოველთაოდ ყრილობა, რათა განმტკიცდეს ჩვენი მიმართულების ორგანიზაციული ხელმძღვანელობა შინ და გარეთ და მიეტყოს ქართულ ემიგრაციას მართებული და პასუხისმგებელი ცენტრი: თავმჯდომარე: რიტე მარგველაშვილი.

მდივანი კორნ. ხოშტარია.

### ტულუზის ორგანიზაციისაგან.

კრებამ განიხილა რა საკითხი უურნალ „სამშობლოში“ გამოქვეყნებულ „ყრილობის“ ანგარიშების შესახებ, დაადგინა აცნობოს საქ. დემ. პარტიის თავმჯდომარეს ბ-ნ სპ. კედიას, რომ ტულუზის ორგანიზაციამ ისევე როგორც საფრანგეთის სხვა ორგანიზაციებმა არაფერი იცოდა ამ

„ყრილობის“ მოწვევის შესახებ და მაშასადამე ჩვენი დელეგატიც მას არ დასწრებია. ჩვენ უტყუარი ცნობებდან ვიცით, რომ სულ ხუთმა კაცმა ერთმანეთთან შეხვედრის დროს, თავის-თავს პარტიული ყრილობა უწოდეს, რაც ჩვენის რწმენით მორალურად დაბალი ხარისხის და პარტიულად შეუწყნარებელი საქციელია.

ტულუზის ორგანიზაცია მოითხოვს პარტიის მეთაურობისაგან მიღებულ იქმნას გადამჭრელი ზომები, რათა ბოლო მოეღოს პარტიაში ანარქიის და ალაგმულ იქმნას უდისციპლინო ორგანიზაციისა თუ ხელმძღვანელ ორგანოს წევრები.

მოწვეულ იქმნას პარტიული კონფერენცია, რომელმაც უნდა გადასწყვიტოს ერ. დ. პარტიაში უთანხმოების წარმოშობი საკითხები.

მანამდე კი ჩვენი ორგანიზაცია მტკიცედ სდგას იმ პოზიციასზე, რომელსაც იცავს ერ. დემ. პარტია და მისი თავჯდომარე ბ-ნი სპ. კელია.

ტულუზის ორ-ციის მდივანი: მ. გოგორიშვილი.\*

საქ. ერ. დემ. პარტიის საფრანგეთის კომიტეტს.

გ ა ნ ც ხ ა დ ე ბ ა .

საქართველოდან ჩამოვედი 1929 წელს. როგორც ყოველი ქართველი მეც მომხრე ვიყავი ემიგრაციაში ქართველთა მთლიანობის და ამიტომ მივეკედლე ერ. დემ. პარტიის იმ ნაწილს, რომელიც შედიოდა „მთლიან ფრონტში“. როგორც ახალმა ჩამოსულმა ამ ფრონტის ნამდვილი შინაარსი მე არ ვიცოდი, ამიტომ მისი მიმზიდველი სახელი სავსებით გამოხატავდა ჩემს მაშინდელ განწყობილებას, ვფიქრობდი რომ იქ ერისა და ჩვენი პარტიის შეთანხმებული ინტერესებით ხელმძღვანელობდნენ მაგრამ ამ ფრონტში სამი წლის ყოფნამ საკმაოდ გადამარწმუნა ჩემს პირველ შეხედულებებში.

ფრონტი აღმოჩნდა ფიქცია, რაც თურმე მართლ ქალაქდზე არსებულა. სინამდვილეში ის მიწვევიკების ქვე—დაწესებულებაა, მათი ბრძანებებისა და დირექტივების უკომენტარიოდ შემსრულებელი. იქ არ კეთ

უადგილობის გამო პარიზისა და საზღვარგარეთის სხვა ორ-ბის რეზოლიუციებ ამ ნომერში ვერ იბეჭდები.

რედ.





დება არც ეროვნული და არც ჩვენი პარტიული საქმე და პირიქით ილა  
ხება პარტიისა და ერის სახელი. ამ ფრონტში ყოფნით ჩვენი პარტია  
მონაწილე ხდება ისეთი საქმეების, რომლებსაც უდიდესი ზიანი მოაქვს  
ჩვენი ქვეყნისათვის.

საერთო ფრონტის სამ თუ ხუთ კაცს იყენებენ მთელ რიგ საქმი  
ანობისათვის, და მართლაც მუშა კულტურულ კაცს ბ-ნ გვაზავას სჯე  
რა და სჯეროდა მათი გულწრფელობა, მიუხედავად ამისა ბ-ნი გვაზავა  
უდაოთ სპეტაკი ადამიანია, იმათთან შედარებით ვინც თავიანთი ემიგ  
რაციის მწარე დღეები ამ პოზიციის ოპორტიუნიაში გაატარეს და დღეს პი  
რად სარგებლობის გულისთვის თავიშეყვეს იქ, რასაც გუშინ ფეხით სდგე  
ბოდნენ და ვინ იცის როგორ არ ლანძღავდნენ. ყოველივე ამის საკუთა  
რი თვალთ დახახვის შემდეგ მე ჩემს მოვალეობად მიმაჩნია მოვშორდე  
ამ ხალხს და დაუბრუნდე ერთვ. დემ. პარტიასა და მის ინტერესების  
დამცველთა რიგებს.

შოთა გედევანიშვილი.

---

„ახალ ივერია“ს რედაქციას

ბ-ნო რედაქტორო!

გთხოვთ თქვენს გაზეთში მოათავსოთ ივლისის 9-ში ბავშთა წრის  
მიერ გამართულ აკაკის საღამოს ანგარიში.

სულ შემოვიდა 423 ფრანკი. აქედან დაიხარჯა ბუნდოვან სურათე-  
ბისა და ბინისათვის 255 ფრანკი, წრეს დარჩა 168 ფრანკი.

ბავშთა წრის ხელმძღვანელი: სოფიო კედია.

---

---

სარედაქციო კოლეგია.

---

---

რედაქციის მისამართი: **113, Quai de Javel. — PARIS (15<sup>e</sup>)**

Le Gérant : L. Saint Remy.

---

---

Imprimerie « PASCAL », 13, rue Pascal. Paris (5).

ფასი 3 ფრანკი.